



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

5. S. Bonifacij Archiepiscopi Moguntini, Caroli Magni, & Alcuini.

urn:nbn:de:hbz:466:1-38277

imitantur solem, brevi tantum, nec pertinaci Ecclipsis, & post occasum resurgentes.

III. Anno DXXXIII. (Aut secundum alios DXXVII.) Obijt sanctus Avitus Episcopus Viennensis eruditione, ut loquitur Ado, & eloquentiæ præcipuis: hic vero epistolâ 87. ad Hormisdam Pontificem: Securus non dicam de Viennensi, sed de totius Galliae, devotione polliceor, omnes super statu fidei vestram captare sententiam.

IV. Anno DXXXVI. Celebrata est secunda Synodus Aurelianensis, in qua triginta Episcopi, qui per se, vel per Vicarios interfueré, ita canone primo loquuntur: Quas etiam sedes Apostolica sancta condemnat: similiter & cum suis auctoribus & sectatoribus execrantes præsentis Constitutionis vigore anathematizamus atque damnamus; rectum atque Apostolicum in Christi nomine ordinem fidei predicantes.

Anno DLXX. (Alij ponunt annum DLXVII.) Celebrata est secunda Synodus Turonensis, in qua ita Patres loquuntur cap. 21. Quis Sacerdotum contra Decreta talia, que à Sede Apostolica processerunt, agere praesumat? Sedis Apostolica semper fuit aut intromittere Auctores, quorum valere posset prædicatio, aut apocryphos facere: & Patres nostri hoc semper custodierunt, quod eorum præceperit auctoritas. Nos ergo sequentes, quos vel Paulus Apostolus, vel Papa Innocentius statuit in canonibus nostris inserentes, &c. Nota antiquæ & Primitivæ Ecclesiæ Gallicanæ morem, & obsequium Pontificijs decretis præstirum: Patres nostri, inquiunt, hoc semper custodierunt, quod eorum præceperit auctoritas. Et paulò post pro eodem habent parisi que auctoratis: Quod vel Paulus Apostolus, vel Innocentius statuerit: fierine posset, ut Illustrissimi Galliae Episcopi Parisijs congregati Innocentij Undecimi repetitis Decretis tam enixè obniterentur, imd ejus auctoritatem tanto conatu exarmatum irent, si Gallicanæ Ecclesiæ doctrinâ imbuti essent?

V. Anno DCCLV. Obijt S. Bonifacius Germaniæ Apostolus Martirio coronatus. Isque tunc temporis de Infallibilitate Romani Pontificis in toto Ecclesia ac præsentim Gallia sententiâ fuerit, luculentissimo testimonio ostendit, quo nihil clarius dici possit, nihilque efficacius; sic enim scribit: Tantâ reverentia apicem Apostolica Sedis omnes suscipiunt, ut Sanctorum Canonum disciplinam, & antiquam Christianæ Religionis institutionem magis ab ore Precessoris ejus, quam à Sacris Paginis & paternis Traditionibus expectent. Illius velle, illius nolle tantum

explorant, ut ad ejus arbitrium suum Conversationem & ipsi remittant, aut intendant.

Anno DCCXCII. Præsente Carolo Magno, multisque Galliæ Episcopis Ratisbonæ hæresis Felicis Episcopi Urgellitani (qui Christum Filium Dei adoptivum esse docebat) auctoritate Adriani I. Pontificis damnata est, de qua ita loquitur Alcuinus lib. i. contra Elipandum: *Hac eadem vestri erroris scela Synodali auctoritate Sacerdotum Christi aeterno anathemata damnata, in obitum à beata memoria Hadriano Papa funditus exterminata est.* At funditus exterminata non esset, si objici Hadriano potuisset, eum in rebus fidei decidendis errare posse.

Anno DCCXCIV. Carolus Magnus cum de eadem Felicis hæresi damnanda ageretur, convocatis Franciæ Episcopis, insigne auctoritati Pontificiæ testimonium dedit, dignumque omnibus Galliæ Ecclesijs inscribi, sic enim loquitur: *Ad Beatissimum Sedis Apostolica Pontificem ter quatèrque direximus missos, scire cupientes, quid sancta Romana Ecclesia, edocta traditionibus de hac respondere voluisse traditione. Apostolice Sedi, & antiquis ab initio nascientis Ecclesiæ, & catholicis traditionibus totâ menû intentione, totâ cordis alacritate conjungo.*

Anno DCCC. Circiter moritur Alcuinus primus Parisiensis Universitatis Author, qui lib. i. de div. off. c. 19. Religionis, inquit, cultum sic Dominus instituit, ut in Beato Petro principaliter collocaret, atque ab ipso quasi capite dona sua vellet in corpus omne manare.

VI. Anno circiter DCCCIX. Floruit Jesse Ambianensis Episcopus; is in epistola encyclica ad suos hæc habet: *Sequimur Romane Ecclesiæ auctoritatem, ut unde Catholicæ fidei initia accepimus, inde exemplaria Salutis nostra semper accipere debeamus, nemбра à corpore separantur suo; ne claviger Regni Cœlestis abiiciat, quos à suis diversos intelliget esse doctrinis.*

Anno DCCXL. Obiit Ludovicus Pius Imperator Caroli Magni filius, cuius sicut & Galliae ac Germaniæ Episcoporum quænam de suprema Romani Pontificis auctoritate sententia fuerit, ex ejus Capitularibus in quarto additamento clarissimum est, sic enim habet: *Omnes Episcopi, qui in quibusdam gravioribus pulsantur, quoties necesse fuerit, Apostolicam appellant Sedem, atque ad eam quasi ad Matrem fugiant, ut ab ea, sicut semper fuit, defendantur & liberentur, cujus dispositioni omnes maiores Ecclesiasticæ causæ, & Episcoporum judicia, antiqua Apostolorum, eorumque successorum atque Canonum auctoritas reservavit, quoniam culpantur Episcopi,* qui